

11.
DE
MORBIS CVTANEIS

SPECIMEN I.

QVO

DE

CRVSTA LACTEA ADVLTORVM

AGIT

AC SIMVL

AD ORATIONEM SOLENNEM AVDIENDAM

QVA

MVNVS PROFESSORIS MEDICINAE
EXTRAORDINARII

D. XXII. JVNII MDCCLXXXV.

AVSPICATVRVS EST

INVITAT

JOANNES HENRICVS FISCHER

MEDICIN. AC CHIRVRG. DOCTOR ET PROFESSOR.

GOTTINGAE

Typis IO. CHRISTIANI DIETERICH.

C'est dans le grand livre de la nature qu'il faut lire et non dans ceux des hommes, dont la plupart sont remplis d'erreurs et de contradictions.

L'academie Rapport de 1774. 3e edit. p. 36.

Cutem non minus quam reliquas corporis humani partes multis, iisque horrorem saepe mouentibus, malis subiectam esse, facile edocemur, si morborum agmen reputemus illorum, qui sub nomine herpetum, tineae capitis, pernionum *a)*, leprae, scabiei, inflammationis cutis erysipelaceae &c. alios vt praetermittam, occurrunt. Interea cum nostris temporibus alii inueniendis ac in vulgus emittendis *nouis* remediis famam aucupari studeant, alii in enarrando rariores morbos atque exponendo obseruationes *inauditas*, operam collocent, alii denique in promulgando multorum annorum vsus ac experientiae fructus occupati sint, mihi quidem operae fore pretium visum, morbi genus satis antiquum ac saepius ab auctoribus tractatum, accuratius contemplari, comparando simul, quae circa aegrotos auxilium implorantes meum in diario annotata reperi. Totus in eo cum essem, atque nouum a Clementissimo Rege mihi demandatum munus occasionem, opusculum quoddam edendi, suppeditaret, non dubitavi, hanc prae caeteris eligere materiem. Quae quidem etsi leuis neque noua multis videbitur, altis tamen obuoluta iacet tenebris. Quod si vero tantum quid lucis cognoscendis et curandis iis morbis, qui cutem inprimis afficiunt, his pagellis afferre possem, contentus omnino ero, neque laboris poenitebit me suscepti,

a) Malum nomine *Chilblains* in Anglia inprimis frequentissimum ac molestissimum.

si vnus tantum vel alter foeda cutis eruptione afflictus solatium inde atque leuamen haurire possit, cum omnes, qui horum morborum curationem tentarunt, multa obscura, difficilia atque manca se inuenisse fateantur.

Cutis autem anatomiam ac physiologiam vbi ill. *Haller*, *Camper* praeceptor atque amicus pia mente in aeternum colendus, *Albinus* et *Lorry* longo optime descripserunt sermone, ego quidem plane silentio praeterire posse opinor.

In animum autem induxi, de diuersis cutis affectionibus, vti occasio sese offert, agere; non quidem more quorundam, qui in colligendo quaecumque ab artis medicae primordiis ad hodiernum vsque diem dicta ac edita supra hunc vel illum morbum extant, intentis sudant viribus, quamquam vero tale quoque studium meritis carere, dicere nolim. Verum alio fert ingenium, ideoque ea tantum enarrare volui, quae vidi atque obseruaui iuxta aegrorum lectos, quaeque hac occasione in mentem venerunt.

Tempore nunc praesenti de *crusta lactea*, quae in *adultis* quoque obuiam venit, pauca commemorabo, ea quidem ratione disposita, vt obseruationem huc pertinentem praemit- tam, ac sub fine quasdam adiiciam animaduersiones.

MORBI HISTORIA.

Nicolaus Belu, natus fuit mense Maio anni 1760., *Augustae Trecorum*, principis Campaniae vrbis. Etsi parentibus quidem fortibus ac sanissimis usus, tamen morbum effugere non potuit, quo omnes fere istius vrbis infantes tenerrima affligi solent aetate, nimirum in facie praecipue foedae oriuntur pustulae, crustae lacteae similes, quas autem *la Curée* vocant, eaeque post tres vel quatuor menses iterum evanescunt. Matris lacte, vti decet, infans fuit nutritus; quia autem mater eodem tempore angina laboraret inflammatoria, inde lac corruptum atque factum esse, vt ista in summa cute eruptio per quinque integros duraret annos, dicebatur, quum caeteri tot mensibus plerumque affici tantum solerent. Quamquam vero novum omnino atque inauditum esset, tamen nulla adhibentur remedia, ac morbus natura sola sub finem anni aetatis quinti et quod excurrit, videtur superatus.

Duobus abhinc annis elapsis primo morbilli ac dein variolae eum inuadebant. Morbus variolosus nequaquam benignus satis longe durat, at tandem facie valde corrupta foedaque aeger effugit. Vbi vero conualescebat, grauius audire coepit, vitiumque auctum fuit, eo magis, quo pristinae propius accederet sanitati, ita quidem, vt breui tempore post signis loqui coacti fuerint, qui conuersabantur cum eo.

Patre itaque comite, Lutetiam Parisiorum petiit, vt consuleret Dn. *Bouvard*, medicum apud Parisienses longe celeberrimum. Suasit hic cauterium brachio applicandum, frequentemque medicamentorum aluum ducentium usum. Quibus etiam remediis paucos post menses aurium vitium cessit, aegroto annum tum aetatis octauum agente optimeque valente, si ex-

ciplas efflorescentias pustulasque in facie saepius per annum
 redeuntes atque febrem sine ordine accedentem omni quidem
 secundo vel tertio mense. Postea vero, quum ad annum deci-
 mum sextum peruenisset, vitaeque genus quoddam eligendum
 esset, hoc consilio iterum Parisios venit, ibique legum iurisque
 studio sese addicat. Brachii cauterium tum superuacuum esse
 videtur, ideoque remediis a medico domi paternae praescriptis
 vlcus sanatur. Per subsequentes duos annos optima nunc
 utebatur valetudine, causam in coeli mutatione quaerens.
 Verum enim vero initio mensis Januarii anni 1779. eruptione
 pustularum in facie liuidarum grauiori, vehementique humo-
 rum in faciem affluxu mirum in modum affligitur. Cutis
 affectionis, quam infantili expertus fuerat aetate, bene me-
 mor, eundem morbum reuerti putat. Accedit statim totius
 capitis tumor, exitque sanies admodum copiose, per frontem
 et genas, qua cutis exasperatur atque exulceratur; ea simul
 et durior fit et crassior, et roditur, citoque tota facies squa-
 mis obtegitur. Ac eodem tempore glandulae circa collum,
 sub mento et pone aures positae tument atque dolent, immo
 subaxillares etiam tumor occupat glandulas. Accersebantur
 tum Dn. *Dufresnay*, facultatis medicae Parisinae adscriptus et
 Dn. *Peublanc*, chirurgiam in nosocomio magno, quod *Hôtel*
de Dieu vocant, exercens: a quibus Pilulae *Belloste* b), deco-
 ctiones sanguinem corrigentes ex herbis *Scabios*. *Borrag*.
Nymph. &c. praescribebantur, vna cum balneorum ex aqua
 calida vsu. Quae quidem omnia per longum temporis spa-
 tium aegrotus stricte obseruat, at sine leuamine; facies enim
 non

b) *Pilulae mercuriales Belloste*. Recipe, Mercur. vini e Cinnabari reuificati vnciam vnā.
 Cremor. Tartari vnciam dimidiam, triturentur vsque dum globuli mercuriales
 disparuerint: tunc adduntur Diagryd. Puluer. Rad. Jalapp. aa vnciam vnā.
 Mixta formentur cum Syrupi Capillor. veneris q. s. in Mass. pilular. Dentur ad
 drachmam semis. V. *Spielman*, Pharmacopoea generalis Argentor. 1783. 4. p. 249.

non modo non mutatur, sed continuata exulceratio pruriens adest, ac si squamulae interposito tempore resoluuntur, aliae tamen protinus reuertuntur. Quod quidem impedire non potuit faciei cum decoct. herbarum Malv. et Alth. lauatio continua. Totum autem afficiebatur postea corpus; somnum inquietum perturbabant somnia atra et terribilia; cibi appetitus diminuitur; et capitis dolor, et lassitudo fatigat; febris dum accedit cum languore perpetuo ac summa corporis debilitate. Faciei autem efflorescentia non sanescit, rosio maior est; latius ac vehementius procedit, et rubet et dolet. Postea vero quam negotiis vacare suis ultro non valeret, totque obrutus esset malis, tum cataplasinata ex mica panis, decocto Maluae et Extracto Saturni parata applicat faciei, dissuadente quidem medico. Verum paucos intra dies facies munda paulumque leuior apparet, aegroque nouam veluti vitam suppeditat; quam autem cataplasinata semel tantum neglecta cito iterum destruxerunt. Pus enim ac sanies sueto loco satis copiose exire, cutemque faciei asperiolem ac duriolem reddere, rursus coeperunt. Quae intus sumebantur remedia, per nouem menses sine vlllo leuamine continuantur. Quo quidem tempore elapso Dn. *Peublanc* nosocomii magni Parisini medicos ac chirurgos consulere proponit. Vocati igitur mense Junii anni 1780. Dn. *Davier* et Dn. *Moreau*, alter medicorum, alter chirurgorum nosocomii princeps, aegrotum vident atque examinant. Quibus factis carnis iufcula cum succo herbarum Nasturtii et Chaerefolii recens expresso, duabus per diem vicibus sumenda et Decoct. Regis c)

loco

c) *Ptisana laxans l. regia*, Recipe Rad. Lapath. acut. vnciam vnam et dimidiam, Polypod. Quern. Cichor. syluestr. aa vnciam vnam Fol. Oriental. mund. drachmas sex, Salis cathartic. amar. vnciam vnam, bulliant. in aq. commun. libr. quatuor vsque ad tres, sub fin. adde Sem. Anis. drachmam vnam Rad. Liquirit. rat. et contus. drachmas tres, mal. citr. in taleol. sect. No. I. colet. Liquor. *Formules de Médecimens*, usitées dans les différens hopitaux de Paris. à Paris 1783. 8. p. 22.

loco medicamento purgantis quaque septimana praecipiuntur, omnia enim alia medicamina per os sumpta stomachus euomit. Simul vero balneo ex aqua fluuiatili uti et vesicatorii, quod antea habuit, loco cauterium suadent; cataplasmata autem aequae ac quaecunque remedia externa prohibent. Quae quidem non prius fuerint neglecta, quam cutis faciei et exulcerari et exasperari iterum coepit, saniesque profluit uti antea solitum fuit, ita vero ut aegrotus cum aliis tum sibi ipsi nauseam ac horrorem excitaret, hisque coactus esset, vrbe relicta agrum petere, hominum quo fugeret aspectum, simulque medicorum praeceptis morem summa cum religione gereret.

Verum enim vero morbus in dies fit grauior ac peior, magna saniei copia exit, colore quidem ex flauo rubicundo, tanta vero acrimonia, ut, ubicunque indusia ac lintea tetigisset, veluti maculas inustas relinqueret, nulla omnino arte tollendas. Menses ubi duos in agro peregisset, stomachusque herbarum succos aegre ferre, immo recusare coepisset, continuare ulterius nequit, ideoque in urbem rediit, faciem paulo liberiores minusque tectam squamis pustulosis habens. Id quod vero nec parentibus nec amicis placuit, igiturque alia tentare remedia suadent, praecipue autem frictionum mercurialium usum, quas vocant in Gallia *les grandes remèdes*. Quoniam vero omnes omnino medici in eo consentiebant, ut mercurii usum maxime condemnarent, amicorum persuasionibus morem gerere aegrotus noluit. Alii dein medicinae haud expertes remedium proponebant graue profecto, dicentes malis desperatis desperata quoque administranda remedia. Opinabantur autem, secatis quatuor venis sanguinem, quantum quidem aeger sine vitae periculo ferre posset, detrahi oportere eoque modo solo sanguinem corruptum diminui, malique radices in sanguinis vitio positas

positas euerti posse. Alii tum medicamentorum, quae sudorem mouent, ope ad summam cutem humores allicere voluerunt, morbum tunc certo cessaturum curationemque fore perfectam inquentes. Inter tantam quidem opinionum diuersitatem, quas aegrotus tamen, sanitatem vt recuperaret suam, amplecti non dubitauit, amicorum quidam medicamento similibus in morbis, *Americae* insulis multum celebrati, mentionem facit. Quod eo magis autem arrisit, quoniam medicus ordinarius probaret. Fuit autem Alkali volatile fluor *d)* sumendum cum Decocto fol. Senn. et herb. Meliss. edulcorato Syrupo Capillor. veneris, ita quidem, vt cum guttis viginti quinque, duabus per diem vicibus inciperet, dosin cum quinque guttis in dies augendo, donec ad septuaginta vsque ventum esset. Regimen simul seuerum imponitur, alimenta dura ac cruda vitanda, vinum, acetum caeterosque liquores spirituosos fugiendos esse imperatur. Quibus autem omnibus stricte adhaeret, dosin ad quinquaginta guttas sensim sensimque augendo. Facies tum mundior apparere coepit, omniaque conceptam promptae curationis spem fouere videntur. Quae vero omnis paulo post tempore rursus euanescit, ac morbus antea quidem, quam ad praescriptam venisset dosin, fortior conspicitur remedio. Cutis enim faciei exulceratur atque exasperatur cum pruritu vehementiori, pustulisque liuidis ac pallidis sanies exit; neque vllum quidem discrimen hoc inter tempus et quod praecedebat, animaduertere licebat. Tot autem malis fere obrutus ac quid facere aut cuius implorare auxilium, omnino ignorans, amicorum tandem persuasionibus permotus medicastrum quendam appellare consentit; qui remedium, nomine

d) Idem est quod spiritus salis ammoniaci volatilis vrinofus apud nostros pharmacorum venditores.

mine quidem haud incongruum visum, vendebat, quod sanguinem corrigens atque purificans appellauit. Vbi vero malum mense Februario 1781. ad summum peruenisset gradum, Medicaſter remedia apportat, liquorem nempe limpidum aquae ſimilem, ſyrupum nigreſcentem ac linimentum quoddam viride, iubens vt inſtillentur decem vel duodecim liquoris guttae in ptiſanae communis cyathum, et poſt vnumquemque cyathum cochlearia duo ſyrupi nigri ſumantur, idque repetatur mane ac veſpere. Suaſit ſimul remedio frequenter vti purgante ab eo compoſito, et faciem linimento inungere viridi, quod ſquamam iſtas foedas cito auferre valeret; carnis autem uſum omnino vetat nilque niſi olera ac legumina permittit. Circa quadraginta vero dies aegrotus melius ſeſe habere atque facies minus aſpera ac leuior apparere coepit, iamque ſe ſaluum putat; verum ſpes iterum ſeſellit miſerum, poſt quindecim enim alios dies cutis effloreſcentia ac puſtulae reuertuntur ſaniesque ſueto loco abundanter profluit. Agyrtae remedia tum denuo tentantur et leuamen afferre videntur, infirmum autem fuit et paucos tantum dies ſubſtitit. Qua quidem ratione duos integros vixit annos, nunquam a morbo pertinaciſſimo liberatus, ſicuti tamen homo iſte pollicitus fuerat. Eſſi vero tum temporis diffidere inciperet, nihil tamen magis in votis habebat, niſi vt ſanitatem recuperaret; ideoque adiit Dn. *Alphonſum Leroy*, Facultatis Pariſienſis doctorem, medicumque longe celeberrimum. Qui vero neque auxilium denegat neque ſecundae valetudinis ſpem adimit omnem, dicens interea morbi valde pertinacis curationem annos requirere integros. Iuſcula autem ex herbis Acetoſae, Lactucae et Chaerifolii paranda, et pilulas ex antimonio crudo, ſapone medicinali et mercurio corrente factas cum Decoct. Fol. Sennae et Salis Glauberi quantitate praefcribit. Quae quidem omnia ſub
finem

finem aestatis anni 1782. aegrotus primum sumisit, neque uti videbatur sine fructu. At mense Januarii anni 1783. morbus, qui nunquam ex toto cessauerat, reuertitur paulo tamen mitior. Applicatum fuit utique linimentum viride, sicque annus fere elabitur; ubi mense Augusti anni 1783. febris satis magna aegrum occupat ac per dies octo tenet. Qua autem curata, facies diuersis temporibus paulo melior se habere, sicque ad mensem Martii anni 1784. usque pergere coepit. Tum vero morbus impetu multo grauiori ac vehementiori redit sine omni quidem temporis interuallo.

Autumnus nunc, anni tempus prae caeteris fauens, expectat, quo denuo remediorum ab ill. *Leroy* ordinatum faceret usum. Quo quidem facto ac per longum tempus protracto, nullam expertus est utilitatem. Initio enim mensis Octobris faciei morbus reuertitur eadem vehementia ac eodem furore, quo antea consuevit. Venae sectionem quapropter protinus in pede instituendam suadet ill. *Leroy*, elapsisque tribus aut quatuor abhinc diebus hirudines ad anum applicandas curat. Eruptionis autem impetum sanguis missus nullo modo infringere potuit, nisi quod aliquot post dies paululum mitior esset, nec tantum dolorem cum pruritu excitaret.

Quo vero tempore, Parisiis ubi commorarer, factum est, ut aegrotus me adiret, auxilium aduersus morbum aequae longum ac pertinacem implorans, atque malorum historiam enarraret. Tum vero tota facies, praeter oculos, efflorescentiis, pustulis liuidis ac squamis erat plena, atque pus cum sanie tenui ex flauo rubescens e genis, mento, fronte immo etiam partibus circa aures exit. Qua autem sanie squamarum moles in dies aucta cutisque exasperata fuit, ita quidem, ut, cum morbi praesentis notas compararem pristino, qui tenerrima eum affligerat aetate, crustam lacteam nominare

nullus dubitarem. Vbi vero aeger cum parentibus consilium peteret meum, respondi, temeritatis primum esse, morbum pertinacem sanandum quidem suscipere, nisi concederetur tempus, dein neque sine sedulitate ac summa perseverantia aegroti fieri id posse, tum me neque velle neque posse polliceri morbi medelam, quam antea medici multo me peritiores frustra tentassent, ac tandem me brevi tempore Lutetiam relicturum esse, novasque inde oriri difficultates non paruas. Quibus vero omnibus cum responderent, difficultatesque omnes parui facerent, neque de tempore solliciti essent, auxilium denegare non potui amplius. Ac primum quidem, quod in mentem venit remedium, fuit *Viola Tricolor*, quam ill. *Strack*, medicinae Professor apud Moguntinos celeberrimus, laudavit *e*). Verum vbi planta hæc neque apud Pharmacopolas Parisienses venalis prostackret neque herbarum venditores eam cognoscerent, aliud in promptu habere remedium oportuit, quod aegro levamen afferre posset. Cum autem iam ante tres annos in simili adulti morbo optimos effectus de Sulphure antimon. aurato cum Calomel. et Extr. Cicutae intus sumtis atque externa linimenti mercurialis *Werlhofii* applicatione fuisset expertus, conducere quoque posse duxi. Neque tamen nimium sperandum esse dicens, cum plantae in Gallia hæcenus non usitatae aliud e medicamentorum genere substituere debuissẽm, quodsi autem non responderet, in planta utique habere medicamen non sine omni fructu postea tentandum. — Breui ut dicam, nihil plane promisi, nisi ut solatium atque dolorum levamen oriretur inde. Minimam etiam spem aegrotus summo amplectitur gaudio. Tum autem medicamina modo praescripsi sequenti; pulverem ex Sulphuris antimonii aurati
tertia

e) Epistola ad Academiam scientiarum artiumque Lugdunensem in Gallia; cum diss. de crusta lactea. Francof. 1779.

tertiæ præcipitat. Calomel. optim. aa gr. vno, Conch. præpar. scrupulo, mixta exacte Dent. pro dosi, omni vespere ex aqua sumendum; — porro Extracti Cicut. method. *Stoerk.* parat. vnciam dimidiam cum Aq. Menth. sine vino vnciis sex solv. Dent. ad cochlear vnum tempore matutino ac pomeridiano. Quibuscum initium vbi factum fuisset, paucos post dies remedia externa adieci, et primum quidem medicamentum ex Spiritus Vini camphorati partibus duabus cum Acet. Lithargyr. parte vna, quod in morbis cutaneis tutum ac utile inueneram antea, interdiu pro lotione atque noctu fomentationis instar vtendum; huic demum, quatuor dierum spatio præterlapso, addidi linimentum ex mercurii præcipitati albi drachmis sex, Vnguenti pomad. vnciis tribus et olei Jasmini guttis nonnullis paratum, quod vespertino nimirum tempore, vbi cutis squamis aspera ac exulcerata esset in faciem, magnitudine nucis juglandis, inungendum curavi. Pinguia vt fugeret carneque porcina atque anserina abstineret, iussi; vinumque, quod aegrotus a teneris fere abhorrebat, suasi bonum ac meracum, atque corpus exercere pila aut multa ambulatione sub dio, simulque pedes quatuor per septimanam vicibus aqua egelida lauare eum imperavi. Quo factum est, vt anteaquam urbem reliquissẽm, miserum bene omnino sperantem viderem, quia saniei profluuium esset imminutum ac efflorescentiae cum squamulis siccescere ac resolui sine aliis quidem renascentibus coepissent. Quam etiam spem minime vanam tum fuisse litterae testantur, quas mense Januarii subsequen-
tis, cum apud Massilienses essem, accepi. Ibi nempe dicebat, sese quod ad faciem attineret, ex duobus mensibus elapsis bene habere, lotione saturnino-camphorata bis per diem aequè ac linimento duabus vicibus per hebdomadem vti, cæterum pergere in vsu medicaminum supra commemoratorum, vinum

sine horrore nunc bibere coepisse, regimen praescriptum religiose sequi; cibum appetere multo magis quam antea solitus fuerit, noctuque dulci refici somno; tempus vero vernale, quod nunquam fauere visum, appropinquans videre non sine metu, ideoque me summopere rogare, ut ipsum tutum praestarem de morbi reditu,

Respondi breui tempore post, metum abiiciendum ei esse, et in medicaminum usu pergendum, ita quidem, ut per viginti dies neglectis plane internis, externa medicamenta tantum applicaret. Auxi linimentum illud ad drachmas duas mercurii praecipit. albi cum axungiae ouillae recentissimae drachmis sex ac sine olei essentialis additione.

Circa medium mensem Februarii litteras iterum misit, omnia ex voto euenire, magisque liberiolem de metu esse in dies, cum sub veris penes initio esset, omnino quidem sine vestigiis morbi recurrentis. Idem affirmat litteris mense subsequente, effectus linimenti ac lotionis ad coelum usque extollens, se medicamina per os sumenda, uti praeceptum fuisset, neglecta iterum inchoasse et pergere velle usque ad secundum interuallum, quod in responsione notauissem. Tunc remedia interna cum externis denuo combinanda per tempus quoddam suasi, dosinque pulueris ex Calomel. et Sulph. aurat. antimon. cum grano dimidio auxi, id quod etiam factum fuit cum Cicutae, cuius dosis ad drachmas sex usque cum eadem supra enarrata quantitate Aquae destillatae fuit aucta. Mense vero Aprilis, cum Lutetiam redux factus essem, aegrotum optime valentem inueni, ita quidem, ut linimentum valde raro applicaretur Cicutaeque plane omitteretur. Per quinque vero septimanas subsequentes in pulueris usu perseueravit, modi uti vocant tantum prophylactici causa. Atque profecto non sine volupta-

voluptate aegrotum pristinae sanitati restitutum cum facie leui atque pura, anteaquam secunda vice Lutetiae Parisiorum valedicerem, medio nimirum mense Maii, vidi. Vsum aquae Selteranae cum lacte per quatuor aut quinque hebdomades protractum, commendavi, aequae ac boni regiminis non obliuisci inculcaui.

Animadversiones.

Cute inprimis affici videntur infantes, dein pueri ac iuvenes, raro viri, rarius autem vel nunquam senes.

Etsi ill. *Strack f)* pueros vidisset quarto et sexto aetatis anno crusta lactea male habitos, attamen morbum etiam adultos interdum vexare, vti per duas vices obseruasse mihi contigit, nondum obseruauit.

An pueri prae caeteris foeda hac in cute eruptione affligi solent? Experientia fere confirmari videtur, cum vnus tantum puellae illustr. *Strack* mentionem fecit, inter multa puerorum exempla.

Priuatim autem miasma in iuvene saltem, cuius historiam commemoravi supra, non adfuisse, ex eo patet, quod neque mater neque alii ex eadem matre infantes crusta lactea fuerunt affecti.

Morbum in principe Campaniae vrbe *endemium* tamen esse a multis affirmatur, qui paludes atque aquas circa urbem stagnantes, nec non flumen vrbi proximum, *Sequanam*, innumeris fere riuulis per eam conductum accusant, eoque modo rei rationem vt reddant, student.

Subita-

f) l. c. p. 49. et p. 53.

Subitaneae aëris variationes nimiaque aëris ficcitas iam diu inter caussarum numerum, in morbis cutaneis inprimis obuiarum, fuerunt habitae, neque vti videtur iniuria, aequae ac aquae, pro communi vsu fumendae, qualitas.

Vasorum lymphaticorum systema cum glandulis in omnibus fere cutis morbis praecipue affici, patet et ex symptomatibus supra recensitis, et ex eo, quod in hominibus scabiosis, sine vlla labis venereae suspicione, glandulae inguinales tument atque dolent, porro, quod in tinea capitis parotidum et glandularum circa nucham positarum tumor nunquam non inuenitur, quod denique in morbillis, alia vt taceam, glandulae frequenter afficiuntur, praecipue post morbum male curatum.

Liceat alterum in medio proferre argumentum in rei favorem, nempe quod cl. *Hendy* g) elephantiasin apud Barbadoenses frequentem, nec non apud incolas insulae *Javae*, vti glandularum systematisque lymphatici morbum considerat.

In morborum cutis curatione medicamenta externa interdum sola sufficere videntur, interna vero raro aut potius nunquam omnem absoluunt paginam; cum amborum vero vsus *rite* coniunctus fere semper malo medetur. In neglectu enim remediorum externe applicandorum aut potius in quodam ea adhibendi timore, plerumque quidem vano, quaerenda videtur ratio, cur miserorum plures eruptionibus in cute foedis ac tetris non sint liberati.

Vrinae secretionis ac excretionis maximum hic esse pondus et ill. *Strack* et meae testantur observationes, cum in duobus aegrotis urinae excretionem mirum in modum auctam deprehendi, odoris caeterum specifici expertis, quamquam cum
fedi-

g) *Hendy's*, Treatise on the glandular disease of Barbadoes. London 1734.

sedimento ex colore flauo-rubicundo esset. An odor ille a morbi materie, aut potius a plantae vsu oriatur, vti ab aliorum vegetabilium vsu, e. g. asparagi, obseruare licet? Experimenta de hac re instituenda breui quaestionem aut affirmabunt aut reprobabunt. — Mutuus ac plane singularis cutem inter et vias vrinae consensus supra dicta quodammodo confirmare valet.

Neque affinitas, quae hepar inter et cutem intercedit, eo praecipue tempore, vbi morbis afficiuntur, obliuiscenda, neque primarum viarum conditio in omnibus ac singulis fere cutis morbis negligenda est; dolores enim colici, vomitus, vitia appetitus, *herpetum* &c. eruptionem praecedere animaduersum fuit.

Eadem quidem ratione, inuersa tantum, qua ill. *van Swieten* aegrotum malo venereo afflictum rebeli curauit, meo vini boni ac meraci vsu cum diaeta lauta imperaui et non sine fructu. Id quod in sanandis morbis chronicis summam mereri videtur attentionem.

Quamquam aegrotus per satis longum tempus in vsu et externo et interno mercurii persisteret, ne vllus quidem salivae praeter consuetudinem ad os affluxus aderat, neque vlla oris affecti vestigia conspiciebantur.

Remedium, quod ab *Hispaniensibus* aduersus mammarum caneros nuper fuit laudatum, vsus nimirum quotidianus carnis duarum aut trium *lacertarum*, eius quidem speciei, quam *Linné lacertam* appellat *communem*, capite atque cauda resectis, magno cum fructu in cutis morbo maxime pertinaci, vbi capit et faciei partem vlcera dura ac verrucosa obtexerunt, a

medico *Anglo*, apud Italos medicinam faciente, fuisse exhibitum, litteris consignatum inuenimus. *h)*

Num *opii* vsus internus in iis praecipue cutis affectionibus, quae vehementiori pruritu aegroti somnum ac nocturnam quietem omnino perturbant eoque febrem accendunt, commendandus est? Haud dubito, posteaquam observationes praeclaras cl. *Alexander Grant* *i)*, quibus me quaestionem debere libenter fateor, legissem. Inde enim luce clarius patet, opium in sanandis morbis, praecipue vero vlceribus, a nimia quadam morbosa irritabilitate (*morbid irritability*) ortis, summo cum fructu per os exhiberi, *nunquam* vero ad extinguendum virus venereum aut curandos morbos venereos quid fecisse, vti tamen nuper nonnulli *magno cum clamore* praepostere annunciarunt. Omnes enim ac singuli aegroti, qui curationem a malo venereo *opii* efficaciae debere dicuntur, et mercurio fuerunt vsi antea (nimia nempe quantitate id quod irritabilitatem etiam illam morbosam excitauit, sicuti in nosocomio magno, quod *Amstelodamenses Pesthuis* vocant, mihi ipsi obseruare licuit *k)*,) et vno eodemque tempore mercurium cum opio mixtum sumserunt. Plura neque dubia assertionis meae argumenta a cl. *Grant* l.c. commemorata sunt, quae alio forsitan loco enarrandi occasionem nanciscar. Hic solum addere non incongruum videtur, quod noui, *opii* vsu interno vlcera

a me-

b) — — the use of the raw flesh of the small common lizards two or three in the course of a day in a terrible cutaneous case, in which the face and a part of the head were covered with confluent ulcerated warts. London medical Journal No. IV. for the year 1784. p. 422.

i) In London medical Journal No. I. for the year 1785. p. I.

k) Schreiben aus London. vid. ill. *Richter*, chirurgische Bibliothek, VII. Band p. 768.

a medico quidem *scorbutica* dicta in magno Haslariensi 1) nosocomio fuisse sanata, quae aliis remediis cedere noluerunt, neque tamen opium scorbuto mederi affirmarem.

Vno eodemque modo effectus edere videtur opium in his morborum generibus neque alio fortasse, si quos habet, in morbis cutaneis.

1) In Anglia prope *Portsmouth*.

Ne vero longius, quam praesentis instituti ratio patitur, sermo protrahatur, opusculi continuationem alio tempore exhibendam duxi, occasionem in nouo munere Clementissime mihi demandato non defuturam sperans. Vt ergo crastino die PRINCIPES SERENISSIMI, PRORECTOR MAGNIFICVS, COMITES ILLVSTRISSIMI, PROFESSORES ILLVSTRES, DOCTORES ET MAGISTRI PRAESTANTISSIMI, COMMILITONES GENEROSISSIMI HVMANISSIMIque frequentes adesse velint, meque *de vitiis nonnullis, quae in educatione medicorum iuniorum academica committuntur, atque de modo, quo evitari possint*, verba facientem, ea qua solent, indulgentia audiant, omnibus precibus oro rogoque.

Officii simul memor mei recitationes hoc semestri aestiuo habendas et de die I. mensis Junii iam inchoatas, *Commilitonibus praenobilissimis atque carissimis* indicare non alienum puto.

1. *Artis obstetriciae principia* duce *Stein* (Anleitung zur Geburtshülfe) hor. 2 - 3. quinquies per hebdomadem tradam,

eo quidem modo, vt simul in machina artificiali, Gallis *Fantôme* dicta, encheireses, arti rite exercendae necessarias et monstrum et imitandas curem.

2. *Foeminarum* aequè *morbos* tam *acutos* quam *chronicos* iisque medendi rationem indicabo diebus Lunae, Martis, Jovis ac Veneris hor. 8-9.
3. Atque eadem hora diebus Mercurii et Saturni *publice* de morbis, qui *infantilem* *aggrediuntur aetatem*, agam.
4. Nec deero iis, qui desiderabunt *collegium practico-elaboratorium* in diiudicandis ac ponderandis casibus medicis difficilioribus, immo saepe in forum protractis.

Dab. Gottingae d. 21. Junii 1785.
